



SAPTA 3

MOSES

---


1760-PELA YIA  
BIPO LONG MARIA  
I KARIM JISAS

LONG WANPELA TAIM BILONG BIKPELA  
HANGRE, JEKOP, PIKININI MAN BILONG  
AISAK, I KARIM 12-PELA PIKININI MAN  
BILONG EM NA OLGETA PIKININI BILONG  
OL WANTAIM OL WOKMAN BILONG OL,  
I GO DAUN LONG ISIP. LONG ISIP  
OL I KAMAPIM PLANTI PIKININI TRU.







I NO LONGTAIM NA OL PIKININI  
BILONG JEKOP (HUSAT NEM BILONG  
EM I SENIS LONG ISRAEL) I KAMAP  
PLANTI MOA LONG OL LAIN ISIP.



FERO, KING BILONG OL ISIP, I MEKIM OL  
PIKININI BILONG JEKOP I KAMAP WOKBOI  
NATING NA MEKIM OL I HATWOK LONG  
WOKIM BRIK. TAIM OL I STAP LONG ISIP  
SAMPELA HANDRED YIA, OL I LUSIM TINGTING  
LONG OL PROMIS GOD I BIN MEKIM LONG  
EBRAHAM NA OL PAPA BILONG OL.

GOD I BIN TOKIM  
EBRAHAM OLSEM OL  
TUMBUNA BILONG  
EM BAI I STAP  
WOKBOI NATING  
LONG WANPELA  
LONGWE PLES.  
GOD I PROMISIM  
EBRAHAM TU OLSEM  
BIHAIN LONG  
400-PELA YIA EM  
BAI I BAGARAPIM  
DISPELA KANTRI NA  
BRINGIM OL LAIN  
BILONG EM I KAM  
BEK LONG GRAUN  
BILONG PROMIS.





YU HARIM TU? FERO I WOK LONG  
KILIM OLGETA PIKININI MAN, LONG  
WANEM, EM I TING OLSEM YUMI  
I WOK LONG KAMAP BIKPELA LAIN  
MANMERI TUMAS. OL MAN BILONG  
YUMI I GAT BIKPELA STRONG LONG  
OLGETA HATWOK OL  
I SAVE MEKIM.

OL I NO INAP  
KILIM PIKININI MAN  
BILONG MI. GOD BAI  
I LUKAUTIM EM.


AIYO! GOD I  
GAT WANEM KAIN  
STRONG INAP  
LONG WINIM  
STRONG BILONG  
FERO?



**NOGAT!  
EM BEBI  
BILONG MI!  
NO KEN,  
PLIS, NO  
KEN!!!**

**FERO I PRET TAIM EM I LUKIM  
OL JU I KAMAP BIKPELA LAIN,  
OLSEM NA EM I STAT LONG KILIM  
OLGETA NUPELA PIKININI MAN.**

**STAT 46:5-7; KISIM BEK 1:1-12, 22**



MAMA, BAI  
MI TOK WANEM  
TAIM OL SOLDIA NA  
OL KANDRE BILONG  
YUMI I ASKIM LONG  
BEBI BILONG YUMI  
I STAP WE?


YU MAS  
TOK TRU  
TASOL. MAMA  
BILONG YU I NO  
GAT LAIK LONG  
LUKIM OL SOLDIA  
I TROMWE BEBI  
BILONG EM  
LONG WARA,  
OLSEM NA EM  
YET I PUTIM  
BEBI LONG  
WARA.



DISPELA I KAMAP KLOSTU  
1525 YIA BIPO LONG  
MARIA I KARIM JISAS

MAMA,  
NOGLUT  
BASKET I  
SINK?

NOGAT.  
MI BIN PASIM  
OL HUL BILONG  
BASKET WANTAIM  
WARA BILONG  
WANPELA KAIN DIWAI.  
EM BAI I TRIP GLUT  
ANTAP LONG  
WARA.



OLSEM WANEM  
NAU? BAI YUMI LUSIM  
EM I GO TASOL?



NOGAT,  
YU MAS STAP  
KLOSTU NA WAS. NO  
KEN WARI, GOD BAI  
LUKAUTIM EM.

PIKININI MERI BILONG  
FERO I KAM DAUN LONG  
WASWAS LONG WARA.




AI! MI  
HARIM KRAI  
BILONG WANPELA  
BEBI. BRINGIM  
DISPELA BASKET I  
KAM LONG MI!



EM I MAS  
PIKININI  
BILONG  
WANPELA  
HIBRU.


AIYO,  
LIKLIK  
PIKININI  
MAN.

TRANGU  
BEBI I MAS  
HANGRE YA.




MI LAIK  
KISIM DISPELA  
BEBI, TASOL  
MI MAS PAINIM  
WANPELA MERI  
LONG GIVIM  
SUSU LONG EM  
PASTAIM.

LUKIM,  
WANPELA PIKININI  
MERI BILONG OL  
HIBRU. ASKIM EM  
SAPOS EM I SAVE  
LONG WANPELA  
MERI HUSAT I KEN  
SUSUIM DISPELA  
PIKININI.



MI SAVE LONG  
WANPELA MERI HUSAT  
I KEN HELPIM YU. MI  
BAI RAN I GO PAS NA  
TOKSAVE LONG EM!


KISIM BEK 2:3-9



DISPELA  
EM I HATPELA  
SAMTING. BEBI EM  
I BIKPELA TUMAS  
LONG YU TRAIM  
HAITIM EM. SAPOS  
EM I STAP YET LONG  
HAUS OL SOLDIA BAI I  
PAINIM EM NA KILIM  
EM. YU MAS BILIP  
OLSEM GOD BAI I  
LUKAUTIM EM  
LONG WARA.

OLSEM  
WANEM LONG  
BEBI BILONG  
MI NAU? ATING  
EM BAI I DAI  
TASOL. GOD,  
PLIS HELPIM  
MI!


**MAMA!**  
**MAMA!**

A comic book panel featuring two women. On the left, a woman with long dark hair and a black top looks surprised. On the right, a woman in a blue and pink striped garment is shown in profile, looking towards the first woman with her hand near her mouth. A large speech bubble is positioned at the top, and a smaller one is at the bottom.

MAMA, PIKININI MERI BILONG FERU  
I KAM DAUN LONG WARANA I PAINIM  
BEBI BILONG YUMI. EM I LAIK ADOPTIM  
BEBI NA EM I PAINIM WANPELA MERI  
LONG SUSUIM BEBI.

OLGETA TENKYU NA  
BLESSING I GO LONG  
GOD I GAT LAIP!






MI  
HARIM  
OLSEM YU INAP  
SUSUIM DISPELA  
BEBI MI PAINIM  
LONG WARA. MI BAI  
BAIM YU LONG  
LUKAITIM  
EM.

TAIM  
EM I BIKPELA  
NA LUSIM SUSU, MI  
BAI KAM NA KISIM EM I  
GO LONG HAUS BILONG  
FERO. YUMI BAI KOLIM  
NEM BILONG EM  
MOSES.

TAIM MOSES I GRO, MAMA  
BILONG EM I SKULIM EM LONG  
GOD BILONG OL TUMBUNA PAPA  
BILONG EM, HUSAT I GAT LAIP.  
GOD I GAT WANPELA BIKPELA  
WOK LONG DISPELA LIKLIK MANGI.



PIKININI,  
KALAP LONG  
KARIS NA BAI  
YUMI GO LONG  
HAUS BILONG  
KING.


ATING OL  
DISPELA HOS  
I KEN RAN  
SIXTI, A?

TENKYU LONG YU  
LUKAUTIM MOSES. EM I NAISPELA  
MANGI TRU. TAIM EM I BIKPELA  
EM BAI I KAMAP WANPELA  
BIKMAN LONG ISIP.

KISIM BEK 2:8-10

TAIM PIKININI MERI BILONG FERRO I ADOPTIM MOSES, MOSES I STAP LONG HAUS BILONG KING NA KISIM SKUL LONG OLGETA KAIN SAVE BILONG ISIP. EM I WOK LONG BIHAINIM ROT LONG KAMAP WANPELA BIKMAN TRU LONG ISIP. TASOL EM I NO LUSIM TINGTING LONG OL LAIN BILONG EM.






MOSES,  
TRUTRU MI TOK, GOD  
BILONG OL PAPA BILONG YUMI,  
EBRAHAM, AISAK, NA JEKOP, I BIN  
TOKAUT KLIA LONG EBRAHAM OLSEM  
OL TUMBUNA PIKININI BILONG EM BAI  
I KAMAP BIKPELA LAIN MANMERI NA  
STAP AUTSAIT LAIN LONG WANPELA  
KANTRI WE I NO PLES BILONG OL.  
LUKIM, EM I KAMAP OLSEM  
GOD I BIN TOK!

YES,  
GOD I  
BIN TOKIM  
EBRAHAM TU  
OLSEM YUMI BAI  
I KISIM BAGARAP  
LONG DISPELA  
PLES 400- PELA  
YIA. YUMI BIN I  
STAP LONG ISIP  
359-PELA YIA  
PINIS--I GAT 41-  
PELA YIA TASOL  
I STAP INAP  
LONG DISPELA  
TOK PROFET I  
PINIS.



MI AMAMAS LONG HARIM  
OL TOKTOK BILONG YUPELA,  
TASOL FERU I NO INAP LARIM  
OLGETA WOKBOI NATING  
BILONG EM I GO FRI. NA, TU,  
GOD I TOK OLSEM YUPELA I GO  
FRI WANTAIM BIKPELA KAGO?  
EM BAI OLSEM WANEM?

GOD I BIN TOKIM EBRAHAM  
OLSEM EM BAI I KOTIM DISPELA  
LAIN MANMERI LONG DISPELA  
BIKPELA RONG OL I MEKIM LONG  
YUMI, NA YUMI BAI LUSIM DISPELA  
PLES WANTAIM BIKPELA KAGO NA  
GO BEK LONG GRAUN WE GOD I  
BIN GIVIM LONG OL TUMBUNA PAPA  
BILONG YUMI.



OL LAIN HIBRU I KISIM TAIM LONG HAN BILONG  
OL ISIP, BOS BILONG OL. OL I MAS WOKIM OL  
BRIK BILONG WOKIM OL SITI BILONG OL ISIP.  
MOSES I LUKIM HEVI NA HATWOK BILONG OL  
LAIN BILONG EM NA EM I SORI OLGETA. EM  
I STAT LONG PAINIM ROT LONG HELPIM OL

HARIAP NA  
KIRAP, NOGUT  
EM I PAITIM YU  
NA YU DAI  
OLGETA!

KIRAP  
YU LES  
MAN!

ANKOL, PLIS,  
KIRAP!

KISIM BEK 2:10-11



WANPELA DE MOSES  
I LUKIM WANPELA  
MAN ISIP I PAITIM  
WANPELA HIBRU  
NOGUT TRU.

EM TAIM  
NAU LONG STAT  
LONG HELPIM OL  
LAIN BILONG MI.  
MI NO INAP LARIM  
DISPELA KAIN  
SAMTING I KAMAP  
MOA.



**AKKK!**

***INAP  
NAU!!***

MOSES I KILIM DISPELA  
MAN ISIP NA HAITIM BODI  
BILONG EM. TASOL WANPELA  
I GO TOKSAVE LONG FERRO.






**SANAP!!  
NO KEN  
RANAWÉ!! YU BIN  
KILIM WANPELA  
ISIP I DAI!**

**EM  
MOSES YA**


**AIYO!  
MI GAT  
BIKPELA  
RONG TRU!**



KLOSTU 1491-PELA  
YIA BIPO LONG MARIA  
I KARIM JISAS.

MOSES I RANAWE LONG ISIP NA  
I GO LONG PLES DRAI. EM I STAP  
WANPIS NA I NO GAT KANDRE O  
POROMAN. EM I NO BIN HELPIM OL  
LAIN BILONG EM--NA EM I GAT NID  
NAU LONG WANPELA I HELPIM EM.

KISIM BEK 2:11-15



MOSES I  
WOKABAIT  
LONGWE  
TRU NA EM  
I PAINIM  
WANPELA KEM  
BILONG OL  
LAIN BILONG  
LUKAITIM  
SIPSIP.

LUKIM!  
WANPELA  
MAN YA!

EM I NO  
MAN BILONG  
DISPELA HAP.

EM I MAS WANPELA  
MAN BILONG ISIP.

MOSES EM I SINDAUN LONG PLES  
BILONG OL MIDIAN. EM I MARIT NA  
LUKAITIM SIPSIP BILONG TAMBU  
BILONG EM. 40-PELA YIA I KAM I GO  
NA MOSES I NO TINGIM ISIP MOA.  
EM I TING OLSEM EM I NO INAP  
LUKIM OL LAIN BILONG EM GEN.




DISPELA EM I NARAKAIN  
OLGETA! OLSEM WANEM  
DISPELA BUS I LAIT WANTAIM  
PAIA, TASOL I NO KUK  
OLGETA?





**MOSES,  
RAUSIM SU LONG LEK  
BILONG YU. DISPELA  
GRAUN YU SANAP LONG EM I  
HOLI GRAUN. MI STAP GOD  
BILONG EBRAHAM, AISAK,  
NA JEKOP, OL PAPA  
BILONG YU.**



MI BIN HARIM KRAI  
BILONG OL LAIN BILONG MI NA MI  
LUKIM HEVI OL I KISIM LONG ISIP.  
EM TAIM NAU LONG KISIM BEK OL  
LONG HATWOK BILONG OL NA BRINGIM  
OL I GO BEK LONG DISPELA GRAUN MI  
BIN GIVIM LONG OL TUMBUNA PAPA  
BILONG OL.

MI BAI  
SALIM

YU LONG FERRO NA YU BAI  
BRINGIM OL LAIN BILONG MI I GO  
AUTSAIT LONG KALABUS BILONG OL. YU  
BAI I GO TOKIM FERRO LONG LARIM OL  
LAIN BILONG MI I GO FRI, NA EM BAI I NO  
INAP HARIM YU. NA MI BAI I SOIM PAWA  
BILONG MI LONG OLGETA ISIP. BIHAIN,  
FERRO BAI I LARIM OL I GO FRI.

KISIM BEK  
2:16-3:10

TASOL,  
BIKPELA, OL I  
NO INAP BILIP  
OLSEM YU BIN  
SALIM MI. OL BAI  
I LAP LONG MI  
TASOL.





A man with a beard and long hair, wearing a brown fur-lined cloak and a head covering, is walking on a tightrope. He is balancing a long, thick wooden staff horizontally across the rope. His right hand is extended forward, and his left hand is near the staff. The background is a gradient of orange and blue. A yellow speech bubble is in the lower-left corner.


**TROMWE  
STIK BILONG  
YU LONG  
GRAIN.**

**AIYO!!!  
OLSEM  
WANEM? STIK  
BILONG MI!**



**EM  
I SENIS  
LONG  
WANPELA  
SNEK  
NOGLIT!**





OLIM  
SNEK  
LONG TEIL  
BILONG  
EM.

A close-up illustration of a hand gripping the hilt of a sword. The hand is rendered in a golden-brown color with detailed shading to show muscle and texture. The sword hilt is also golden-brown with a textured, ribbed appearance. The background is a solid, light brown color. A white speech bubble with a black outline is positioned to the left of the hand, containing the text 'EM I SENIS NA I KAMAP STIK GEN!' in a bold, black, sans-serif font.

**EM I  
SENI NA  
I KAMAP  
STIK GEN!**

**GO LONG ISIP. MI YET  
BAI I SKULIM YU LONG  
WANEM SAMTING YU BAI I  
TOK, NA WANEM SAMTING  
YU MAS MEKIM. BRATA  
BILONG YU, ARON, BAI I  
HELPIM YU.**



**KISIM BEK 4:1-4, 12-16**



1445-PELA YIA BIPO LONG  
MARIA I KARIM JISAS.

MI BIN LUSIM  
ISIP 40-PELA YIA  
PINIS. OLGETA HUSAT  
I SAVE LONG RONG  
BILONG MI I DAI PINIS. I  
NO GAT WANPELA BAI  
LUKSAVE LONG MI.

TAIM  
FERO I LARIM  
OL LAIN BILONG  
BIKPELA I GO  
FRI.

YU BAI GO BEK  
LONG ISIP? TASOL OLSEM  
WANEM LONG OL DISPELA  
LAIN HUSAT I LAIK KILIM  
YU?

WANEM  
TAIM BAI  
YUMI  
KAMBEK?



SINGAUTIM  
OLGETA HETMAN I KAM.  
TAIM BILONG KISIM BEK  
I KAMAP PINIS!

OL I  
HUSAT?

DISPELA LAPUN EM  
ARON LONG LAIN BILONG  
LIVAI. ARAPELA MAN I LUK  
OLSEM YUMI, TASOL EM  
I NO WANPELA SLEV.






OLGETA  
HETMAN  
BILONG ISRAEL,  
YUPELA KAM  
KLOSTU.

MAMA  
BILONG MOSES I  
BIN KARIM EM 80-  
PELA YIA I GO PINIS LONG  
DISPELA TAIM BIPO WE  
FERO I LAIK KILIM OLGETA  
PIKININI MAN. MAMA  
BILONG EM I BIN HAITIM  
EM LONG WANPELA BASKET  
ARERE LONG WARA. LONG  
LUKAUT BILONG BIKPELA  
TASOL, PIKININI MERI  
BILONG FERO I BIN PAINIM  
MOSES LONG WARA  
NA MOSES I KAMAP  
BIKPELA LONG HAUS  
BILONG FERO.

KISIM BEK 4:29-31



LONG 40-PELA YIA I GO PINIS, MOSES  
I BIN MEKIM DISISEN OLSEM EM I GAT LAIK LONG  
KARIM HEVI WANTAIM OL LAIN BILONG EM; MASKI LONG  
KAMAP BIKMAN BILONG OL ISIP. LONG DISPELA 40-PELA  
YIA, EM I BIN SINDAUN LONG PLES NATING BILONG DISPELA  
GRAUN GOD I BIN PROMISIM LONG OL PAPA BILONG YUMI.  
NAU, GOD I BIN TOKTOK LONG EM NA SOIM EM OLSEM EM  
BAI I KISIM BEK YUMI LONG HAN BILONG FERRO. MOSES  
BAI I SOIM YUMI NAU OL MAK EM BAI I YUSIM LONG  
MEKIM FERRO I LARIM YUMI GO FRI.



GOD BILONG  
EBRAHAM I YUSIM  
WANPELA BUS I LAIT  
LONG PAIA, TASOL I NO  
KUK OLGETA, LONG TOKTOK  
LONG MI. EM I SALIM MI  
LONG GO PAS LONG YUPELA  
NA BRINGIM YUPELA LONG  
GRAUN BILONG OL PAPA  
BILONG YUMI. LUKIM  
WANPELA MAK.



**AIYO!!!  
STIK BILONG  
EM I KAMAP  
SNEK!**

**NO KEN  
PRET.**



LUKIM  
DISPELA.



GOD  
I SALIM  
WANPELA  
MAN LONG  
KISIM BEK  
YUMI!

FERO BAI I  
KIRAP NOGLUT  
OLGETA.



EM  
WANPELA  
MIRAKEL!

EM GOD  
BILONG  
EBRAHAM!


KAM NA  
YUMI GO  
TOKTOK LONG  
FERO NAU!!

KISIM BEK 4:17, 30

DISPELA  
HAUS I NO SENIS  
LIKLIK LONG TAIM  
MI MANGI NA MI STAP  
LONG HIA. GIAMAN GOD  
NA STETIU I PULAP.  
ARON, TINGIM GUT  
OLGETA SAMTING MI  
TOKIM YU LONG  
TOKIM FERU.








GOD BILONG OL  
ISRAEL I TOKTOK LONG  
MOSES. GOD I TOK OLSEM  
YU MAS LARIM OL MANMERI  
I WOKABAUT I GO LONG PLES  
DRAI TRIPELA DE LONG LOTU  
NA WOKIM OFA LONG  
BIKPELA.

A? GOD BILONG ISRAEL? HA  
HA HA HA MI NO SAVE LONG GOD  
BILONG YU. EM I HUSAT, BAI MI  
BIHAINIM TOK BILONG EM, A? YUPELA  
TING MI LONGLONG? MI NO INAP  
LARIM OL SLEV BILONG MI I GO  
TRIPELA DE LONG PLES NATING.




MI BIN HARIM OLSEM YU  
WOK LONG TOKTOK LONG OL  
LAIN BILONG YU NA MEKIM OL I  
LES LONG WOK. NA NAU OL I GAT  
LAIK LONG GO TRIPELA DE LONG  
PLES NATING LONG LOTUIM WANPELA  
GOD MI NO SAVE LONG EN? NOGAT  
OLGETA! MI BAI MEKIM SAVE LONG  
OL NA GIVIM OL PLANTI WOK MOA  
YET.

OL YET BAI I MAS I GO  
NA PAINIM GRAS I DRAI LONG  
WOKIM BRIK NAU. MIPELA I NO  
INAP GIVIM GRAS LONG OL MOA.  
YUPELA RAUS NAU NA GO BEK  
LONG PLES BILONG YU.



OL LAIN  
YA I TING OL  
I HUSAT?

MI LAP LONG  
OL TASOL. OL I  
TING OLSEM OL I  
MAUSMAN BILONG  
GOD.




A? FERU NAU BAI I  
MEKIM MIPELA I HATWOK MOA?  
OLSEM WANEM? DISPELA I NO  
KISIM BEK BILONG GOD! YU TING  
OLSEM GOD I SALIM YU?


MOSES I  
MAS TING  
OLSEM EM  
I WINIM  
YUMI.

MAN, YUMI  
BIN BILIPIM  
OL GIAMAN  
TOK BILONG  
EM.

MAUSMAN  
BILONG  
GOD, A?

YUPELA I TING OLSEM YUPELA  
I GAT TAIM LONG LUSIM WOK NA  
GO LOTUIM GOD BILONG YUPELA,  
A? MIPELA BAI SOIM YUPELA OL  
LES LAIN HATWOK EM I WANEM  
SAMTING TRU!




A man with a grey beard and a yellow robe is shown from the chest up, holding a wooden staff. He is looking upwards and to the right. The background is a simple yellow and brown gradient.

GOD BIKPELA, MI KAM  
LONG BRINGIM TOK BILONG  
YU LONG OL LAIN BILONG MI,  
TASOL NAU OL I WOK LONG  
KISIM BAGARAP MOA YET.  
BILONG WANEM YU BIN I  
SALIM MI I KAM?

MI  
STAP GOD  
BIKPELA, GOD  
BILONG OL  
PAPA BILONG  
YU. NA MI BIN  
LUKIM BAGARAP  
BILONG OL LAIN  
BILONG MI,  
ISRAEL, NA  
HARIM KRAI  
BILONG OL.

EM I TAIM NAU  
LONG INAPIM PROMIS  
MI BIN MEKIM LONG EBRAHAM  
NA BRINGIM OL DISPELA LAIN  
I GO LONG GRAUN BILONG OL  
KENAN. YU, MOSES, BAI I GO  
PAS LONG OL.



TASOL MI  
NO MAN BILONG  
TOKTOK GUT.  
FERO I NO INAP  
HARIM TOK  
BILONG MI.

ARON I KEN  
TOKTOK LONG PLES  
BILONG YU; YU MAS HARIM  
TOK BILONG MI TASOL,  
NA TOKIM EM LONG WANEM  
TOK EM I MAS MEKIM. FERO  
BAI I NO INAP LONG HARIM  
YUPELA INAP LONG MI SOIM  
OL BIKPELA MAK LONG EM.  
LONG DISPELA ROT OL ISIP  
BAI I SAVE OLSEM MI TASOL  
I STAP GOD TRU.



HA, HA.  
YUPELA I KAM  
BEK GEN, A?

GOD BIKPELA I  
TOK, "LARIM OL  
LAIN BILONG MI  
I GO."





BAI MI SOIM YU  
WANPELA MAK INAP LONG YU  
KEN SAVE TRU OLSEM GOD  
BIKPELA I BIN TOKTOK.

HA, HA,  
HA! EM LIKLIK  
TRIK NATING.  
MI NO PRET  
LONG DISPELA.  
SINGAUTIM OL  
POISIN MAN  
BILONG MI I  
KAM!



EM WOKIM  
DISPELA  
TRIK LONG  
GIAMANIM  
YUMI OLSEM  
EM I WANPELA  
POISIN MAN  
TRUTRU.


EM I LAINIM DISPELA  
KAIN SAMTING WE?

**FERO I TOK  
YUPELA I MAS I KAM HARIAP  
NA WOKIM OL POISIN BILONG  
YUPELA LONG MEKIM STIK I  
KAMAP SNEK.**




GOD BILONG MIPELA,  
GOD BILONG OL SNEK, HUSAT  
NEM BILONG EM NESET, EM  
I SALIM MIPELA LONG TOKIM  
YU LONG WOKIM PLANTI  
BRIK. HA, HA, HA!





MOSES, OLSEM  
WANEM NAI? YUMI  
LUK OLSEM OL  
LONGLONG MAN.

KISIM BEK 7:11-12

A comic panel showing the lower legs and feet of several people in traditional attire. The ground is covered with several snakes, some of which are coiled around the feet. A speech bubble is positioned in the center, containing a line of text.

AI!  
LUKIM  
SNEK  
BILONG EM!  
EM I LAIK PAIT  
WANTAIM  
OL SNEK  
BILONG  
YUMI.




**SNEK  
BILONG  
EM I  
KAIKAIM  
WANPELA  
SNEK  
BILONG  
YUMI!**



*EM I DALINIM  
SNEK BILONG  
YUMI OLGETA!*






LUKIM! EM  
BAI I TRAIM LONG  
KAIKAIM NARAPELA  
SNEK BILONG YUMI!  
SNEK GOD BILONG  
YUMI, NESET, BAI I  
KROS TRU.



SNEK  
BILONG EM  
I KAIKAIM  
OLGETA SNEK  
BILONG YUMI!

EM OLSEM  
WANEM, YA?




GOD BIKPELA EM  
I GOD BILONG OLGETA  
SAMTING. EM I TOK,  
"LARIM OL LAIN  
BILONG MI I GO."

KISIM BEK 7:12



MI NO SAVE  
LONG WANEM  
ROT DISPELA I BIN I  
KAMAP, TASOL MI NO  
INAP LARIM YU KISIM  
OLGETA SLEV BILONG  
MI WANTAIM OL LIKLIK  
TRIK BILONG YU.  
**RAUS!**

KISIM BEK 7:13: "NA EM [GOD]  
I MEKIM BEL BILONG FERRO I  
KAMAP OLSEM STON BAI EM  
I NO BILIPIM TOK BILONG OL,  
OLSEM BIKPELA I BIN TOK."



BILONG  
WANEM NA GOD  
BIKPELA I SALIM YUMI LONG  
FERO WANTAIM DISPELA MAK  
WE OL POISIN MAN BILONG  
FERO INAP LONG WOKIM TU?  
TAIM OL I WOKIM DISPELA,  
YUMI LUK OLSEM  
LONGLONG MAN.

MI NO SAVE. TASOL GOD I BIN  
TOK OLSEM EM BAI I MEKIM BEL  
BILONG FERO I KAMAP OLSEM STON,  
NA DISPELA I BIN KAMAP. MAN, FERO  
I BELHAT NOGUT TRU TAIM SNEK  
BILONG MI I KAIKAIM OL SNEK  
BILONG OL.

MI MAS GO  
NA PAINIM WANPELA  
PLES LONG TOKTOK  
WANTAIM GOD BIKPELA.  
MI NO SAVE LONG WANEM  
SAMTING MI MAS  
MEKIM NAU.

GOD I BUNG  
WANTAIM MOSES  
GEN NA TOKIM  
EM LONG WANEM  
SAMTING EM I MAS  
MEKIM. OL LAIN  
ISIP I BIN DAUNIM  
MOSES. OL ISRAEL  
I BIN GIVIM BAKSAIT  
LONG MOSES TAIM  
FERO I MEKIM OL I  
HATWOK MOA. TASOL  
MOSES I BILIPIM  
GOD NA BIHAINIM  
TOK BILONG EM,  
MASKI LONG EM  
I NO KLIA LONG  
WANEM SAMTING I  
WOK LONG KAMAP.



GOD BIKPELA I  
TOK, "YU BIN PASIM  
OL LAIN BILONG MI  
LONG GO FRI, OLSEM  
NA MI BAI SOIM YU  
OLSEM MI GOD TRU.  
OLGETA WARA BILONG  
ISIP BAI I KAMAP  
BLUT."



AI! OLSEM  
WANEM, YA?


GO NA KISIM  
OL POISIN MAN  
BILONG MI I KAM.  
GOD BILONG  
WARA NAIL BAI I  
SOIM STRONG  
BILONG EM.



LUKIM?

OL POISIN MAN  
BILONG MI I GAT  
SAVE LONG WOKIM  
DISPELA SAMTING  
TU. OL TRIK BILONG  
YU I NO INAP LONG  
SENISIM TINGTING  
BILONG MI.





MI NO BIN  
LUKIM DISPELA KAIN  
SAMTING BIPO LONG  
LAIP BILONG MI. OLGETA  
HUL WARANA LIKLIK WARANA  
I BIN KAMAP BLUT. NEM  
BILONG GOD BILONG  
EM I HUSAT GEN?

MI NO SAVE.  
HUSAT I WARI LONG NEM  
BILONG GOD BILONG EM.  
YUMI I GAT PLANTI KAINKAIN  
GOD. GOD BILONG WARANA  
NAIL I MAS BELHAT.



WANPELA GOD  
TASOL? DISPELA  
EM I LONGLONG.

DISPELA  
MAN MOSES I  
TOK OLSEM GOD  
BILONG EM I  
STAP WANPELA  
GOD TRU TASOL.

SEVEN-PELA DE BIHAIN LONG OL  
WARA I KAMAP BLUT, MOSES I  
BRINGIM BAGARAP BILONG GOD  
ANTAP LONG OL ISIP GEN.



LARIM OL WARA  
I KAMAPIM PLANTI  
ROKROK TRU.

OL DISPELA BLUT  
WARA, WE I STING  
MOA YET, NAU I  
KAMAPIM MILIEN  
MILIEN ROKKOK.



KISIM BEK 7:21-25, 8:6



HAUS  
BILONG  
MI I PULAP  
LONG OL  
ROKKOK!




OLGETA ISIP  
I PULAP LONG  
OL ROKROK. OL  
**GOD BILONG  
YUMI I MAS  
KROS TRU!**

OL PRIS BILONG  
YUMI I STAP  
WE? OL I MAS  
STRETIM DISPELA  
SAMTING!



**AIIIIII!**




OL I KAMAPIM  
OL ROKROK TU? YUMI  
I GAT PLANTI ROKROK  
PINIS NA NAU OL POISIN  
MAN I KAMAPIM SAMPELA  
MOA? INAP YA

LUKIM,  
FERO, MIPELA  
INAP LONG  
KAMAPIM OL R  
OKROK TU.






LARIM OL DISPELA  
LAIN I GO LONG PLES  
DRAI OLSEM OL I LAIK.  
OL DISPELA ROKKOK  
BAI I BAGARAPIM YUMI  
OLGETA.



SINGAUTIM  
MOSES. MI  
LAIK TOKTOK  
LONG EM.

YES,  
FERO, MI  
BAI GO  
KISIM  
MOSES.




BETEN LONG GOD  
BIKPELA NA ASKIM EM  
LONG RAUSIM OL ROKROK.  
SAPOS EM I MEKIM  
DISPELA, MI BAI I LARIM  
OL LAIN BILONG YU I GO  
NA WOKIM OFA.

WANEM TAIM  
BAI MI ASKIM GOD  
LONG RAUSIM OL  
ROKROK?



TUMORA  
MONING.

ORAIT, EM BAI I  
KAMAP OLSEM YU TOK,  
INAP LONG OLGETA MAN I  
KEN SAVE OLSEM I NO GAT  
WANPELA GOD I OLSEM  
GOD BIKPELA.



TAIM FERU I  
LUKIM OLSEM  
OL ROKKOK  
I DAI LONG  
TAIM EM I BIN  
MAKIM, EM I  
STRONGIM BEL  
EM NA I PASIM  
OL HIBRU  
LONG GO.

GOD BIKPELA EM  
I WANEM KAIN GOD  
WE EM I PULMAPIM  
PLES BILONG YUMI  
WANTAIM OL ROKKOK?  
EM TASOL, A? ORAIT,  
OLSEM WANEM MOSES  
I BIN TOKSAVE LONG  
DISPELA BAI I  
KAMAP?

HUSAT I TOK WANPELA GOD I WOKIM  
DISPELA SAMTING? MI TING OLSEM I  
MAS I GAT WANPELA SAMTING I MEKIM  
OL ROKKOK I KAMAPIM PLANTI PIKININI  
LONG WANPELA TAIM, EM TASOL.

NA OLSEM WANEM  
EM I SAVE LONG TAIM STRET  
LONG OLGETA WANWAN BAI I  
DAI WANTAIM?

AH!  
PASIM MAUS NA WOK  
HARIAP! MI PILIM TRAUT  
LONG DISPELA SMEL, YA!

NA GOD BIKPELA I TOKIM  
MOSES, "TOKIM ARON  
OLSEM, APIM HAN  
BILONG YU NA PAITIM  
DAS BILONG GRAUN INAP  
LONG DAS I KEN KAMAP  
LAUS LONG OLGETA  
HAP BILONG ISIP."



NA OLGETA DAS  
LONG ISIP I  
KAMAP LAUS.




**AIIII!**





A? OLSEM WANEM YUPELA I NO INAP WOKIM OL LAUS? OL LAIN BILONG YUMI BAI I TING OLSEM GOD BILONG OL I GAT STRONG MOA LONG OL GOD BILONG YUMI! YUPELA I SAVE LONG WOKIM OL GIAMAN TRIK TASOL, A?

TASOL, BIKMAN, TRUTRU DISPELA EM I MAS WOK BILONG GOD. OL MAN NATING I NO GAT STRONG LONG MEKIM OL DISPELA KAIN SAMTING WE MOSES NA ARON I BIN WOKIM. MIPELA YET I NO GAT STRONG.




NOGAT. I MAS  
WANPELA SAMTING WE I KAMAP EM  
YET. TASOL EM INAP! SINGAUTIM MOSES.  
TOKIM EM OLSEM SAPOS GOD BILONG EM  
I RAUSIM OL LAUS, ORAIT, BAI MI LARIM OL  
HIBRU I GO LOTU LONG GOD BILONG OL.

KISIM BEK  
8:13-19




OLGETA LAUS I DAI  
PINIS. TASOL MI NO  
INAP LARIM OLGETA  
SLEV BILONG MI I GO.  
GOD BILONG OL EM  
INAP MEKIM WANEM  
SAMTING MOA?




GOD I TOK  
PINIS LONG MOSES  
OLSEM, "MI BAI I  
SALIM OL LANG LONG  
PULMAPIM ISIP. OL HAUS  
BILONG YUPELA BAI I  
PULAP OLGETA WANTAIM  
OL LANG. TASOL DISPELA  
TAIM MI BAI MEKIM  
NARAKAIN PASIN LONG  
OL HIBRU.

BAI I NO  
GAT WANPELA  
LANG NAMEL LONG  
OL LAIN BILONG  
MI. LONG DISPELA,  
OLGETA MANMERI BAI  
I SAVE OLSEM MI YET  
MI STAP GOD TRU  
HUSAT I SAVE BOSIM  
OLGETA HAP  
GRAUN."



PAPA,  
PAPA, PLIS!  
BILONG WANEM  
NA OL PRIS MAN  
BILONG YUMI I  
NO INAP PASIM  
DISPELA MAN  
MOSES? PAWA  
BILONG OL I  
STAP WE?

MI NO SAVE  
WARI LONG OL  
SAMTING BILONG  
LOTU BILONG YUMI.  
MI SAVE BIHAINIM  
TOK BILONG  
FERO TASOL.



AI! EM I OLSEM MOSES  
I BIN TOK; I NO GAT  
WANPELA LANG NAMEL  
LONG OL HIBRU! TRUTRU  
DISPELA I MAS WOK  
BILONG GOD BILONG OL.

GO KISIM  
MOSES.



ORAIT, GO  
NA WOKIM OFA  
LONG GOD BILONG  
YU. TASOL I TAMBU  
LONG YUPELA I  
LUSIM ISIP.

NOGAT,  
MIPELA I MAS  
WOKABAUT  
TRIPELA DE LONG  
GO NA MEKIM  
LOTU.

MI TOK ORAIT  
LONG YUPELA I KEN GO,  
TASOL YUPELA I NO KEN  
GO LONGWE. NAU, HARIAP  
NA TOKTOK LONG GOD  
BILONG YU NA ASKIM  
EM LONG RAUSIM OL  
DISPELA LANG.




I NO  
GAT WANPELA  
LANG NAU LONG  
OLGETA HAP ISIP.  
TRUTRU DISPELA  
EM I WANPELA  
MIRAKEL.

PASIM MAUS.  
YU WOK LONG  
TOKTOK OLSEM YU  
BILIPIM DISPELA  
MAN MOSES.

NA GEN, FERO I STRONGIM  
BEL BILONG EM NA I  
PASIM OL LAIN BILONG  
ISRAEL LONG GO.

EXODUS 8:20-32





GOD I SALIM NARAPELA  
BAGARAP LONG ISIP.  
OLGETA BULMAKAU,  
SIPSIP, HOS, NA  
KEMEL I KISIM OL BUK  
NOGUT NA OLGETA  
I DAI PINIS. TASOL  
OL ENIMEL BILONG  
OL HIBRU I NO KISIM  
DISPELA SIK.

OLGETA ENIMEL  
BILONG MIPELA I DAI  
PINIS, TASOL OLGETA  
ENIMEL BILONG YUPELA  
I NO SIK LIKLIK. OLSEM  
WANEM, YA?

MOSES I TOK OLSEM DISPELA  
EM I WOK BILONG GOD BILONG  
OL PAPA BILONG MIPELA INAP  
LONG EM I KEN MEKIM MIPELA  
I KAMAP FRI LONG KALABUS NA  
HATWOK BILONG YUPELA OL ISIP.  
TASOL, MI NO GAT SAVE TUMAS  
LONG OL DISPELA SAMTING.



OL PRIS BILONG  
MIPELA I WOK LONG WOKIM  
OFA LONG OL GOD BILONG  
MIPELA. OL HOLI BULMAKAI  
BILONG MIPELA I KROS LONG  
DISPELA BAGARAP NA OL BAI I  
MEKIM DISPELA SIK I PINIS.



OL GOD BILONG  
OL ISIP I STAP WE?  
OLSEM WANEM, OL  
I NO GAT PAWA  
MOA?


TOKIM FERRO  
OLSEM EM I LEIT PINIS.  
OLGETA HOLI BULMAKAU  
BILONG YUMI I DAI PINIS.  
OL MANMERI BILONG YUMI  
BAI I KROS NOGUT TRU TAIM  
OL I SAVE OLSEM OL GOD  
BILONG YUMI I NO INAP  
LUKAUTIM OL YET NA WINIM  
PAWA BILONG DISPELA  
GOD BILONG OL HIBRU.



TASOL FERRO I  
STRONGIM BEL  
BILONG EM MOA.

KISIM BEK 9:6-7

NA GEN GOD I TOKTOK  
LONG MOSES NA TOKIM  
EM LONG TROMWE OL SIT  
BILONG PAIA NABAUT LONG  
SITI NA DISPELA BAI I MEKIM  
OL BIKPELA BUK I KAMAP  
LONG SKIN BILONG OL ISIP.



GOD I TOK, "YU NO  
LARIM OL LAIN BILONG  
MI I GO, OLSEM NA MI BAI I  
SALIM OL BIKPELA BUK NOGUT  
LONG PULMAPIM SKIN BILONG  
YUPELA WANTAIM OL ENIMEL  
BILONG YUPELA."



AIYO!  
NOGAT!  
PLIS!!!


SINGAUTIM OL POISIN MAN I  
KAM. TOKIM OL LONG MEKIM  
OL KAINKAIN OFA LONG OLGETA  
GOD NA KISIM OLGETA PAWA  
BILONG OL NA PINISIM DISPELA  
SAMTING, NAU!





BIKMAN,  
YU SINGAUTIM  
MIPELA?

A? YU  
GAT BUK TU?  
PAWA BILONG  
YUPELA I WINIM  
PAWA BILONG  
GOD BILONG  
MOSES, O  
NOGAT?



RAUS LONG AI  
BILONG MI!!! YUPELA OL GIAMAN  
MAN NA YUPELA I NO GAT PAWA  
TRUTRU. OL LIKLIK POISIN BILONG YUPELA I  
KEN TRIKIM OL MANMERI NATING, TASOL MI  
SAVE PINIS LONG OL TRIK BILONG YUPELA.  
OL GOD BILONG YUPELA I STAP WE, A?



KIRAP ELI TRU LONG MONING NA  
SANAP LONG AI BILONG FERU. TOKIM  
EM OLSEM, "GOD BILONG OL HIBRU  
I TOK, 'LARIM OL LAIN BILONG MI I  
GO, LONG WANEM, DISPELA BAGARAP  
MI REDI LONG SALIM LONG YUPELA  
EM I NOGUT MOA LONG OL ARAPELA.  
EM BAI I KILIM PLANTI BILONG OL  
LAIN BILONG YU. LONG DISPELA  
SAMTING YU BAI I SAVE TRU OLSEM I  
NO GAT WANPELA GOD I OLSEM MI.


YU NO KLIA YET  
OLSEM MI TASOL  
I BIN PUTIM YU  
OLSEM KING  
BILONG ISIP. MI  
SAVE OLSEM YU  
BAI I STRONGIM  
BEL BILONG YU  
NA PASIM OL  
LAIN BILONG MI  
LONG GO.



**BIKHET BILONG YU I GIVIM SANS  
LONG MI LONG SOIM PLES KLIA  
PAWA BILONG MI NA BAGARAPIM OL  
ISIP LONG PASIN NOGLUT OL I MEKIM  
LONG OL LAIN BILONG MI. YU TING  
OLSEM YU INAP SAKIM TOK BILONG  
MI,**

**OLSEM NA MI  
BAI I SALIM PAIA  
WANTAIM AIS  
OLSEM REN LONG  
DISPELA GRAUN."**





**"MI  
TOKIM YU LONG  
DISPELA INAP LONG YU  
I KEN TOKSAVE LONG  
OLGETA LAIN BILONG YU  
LONG KISIM OL ENIMEL  
BILONG OL NA GO HAIT  
WANTAIM OL INSAIT LONG  
OL HAUS, LONG WANEM,  
HUSAT I STAP AULSAIT  
LONG DISPELA TAIM  
BAI I DAI."**



LARIM EM  
I KAMAP  
OLSEM GOD  
BIKPELA BIN  
TOK.




OLSEM  
WANEM PAIA  
WANTAIM AIS  
I KEN MIX?

STRONGPELA  
GOD, SET, KISIM  
BEK MIPELA!

**AIIIIII!**


OL LAIN HUSAT I NO  
BIHAINIM TOK LUKAIT  
BILONG MOSES I STAP  
AUTSAIT NA OL I DAI PINIS.



PAPA, DISPELA  
MAN MOSES I KISIM  
DISPELA KAIN PAWA  
WE? GOD BILONG EM  
I WINIM GOD BILONG  
YUMI, SET, HUSAT I  
SAVE BOSIM REN NA  
WIN, O NOGAT?


MOSES  
I SAVE  
TOK OLSEM  
I GAT  
WANPELA  
GOD TRU  
TASOL NA  
OL HIBRU  
OL I STAP  
PIKININI  
BILONG  
EM.

TASOL I NO GAT  
WANPELA I BIN LUKIM GOD  
BILONG MOSES. OL HIBRU  
YET I NO BIN LUKIM EM. GOD  
BILONG OL, HUSAT MOSES I TOK  
EM I WANPELA SPIRIT TASOL, I  
WOK LONG TRAIM MEKIM FERU I  
LARIM OL HIBRU I GO LONG PLES  
DRAI LONG MEKIM LOTU.



O STRONGPELA  
GOD SET, GOD BILONG  
BAGARAP NA TAIM NOGLUT,  
PLIS, MIPELA I PRE LONG  
YU, PASIM OL DISPELA PAIA  
NA AIS WE I WOK LONG  
PUNDAUN LONG SKAI.  
TRUTRU MIPELA I SAVE  
OLSEM YU I GAT STRONG  
MOA NA WINIM GOD  
BILONG MOSES.


KISIM BEK 9:23-26



DISPELA  
PAIA NA AIS I NO  
KAM KLOSTU LONG  
YUMI -- EM I WOK  
LONG BAGARAPIM  
OL ISIP TASOL.

PAPA,  
MI PRET YA!  
PAIA NA AIS  
BAI I PUNDAUN  
ANTAP LONG  
YUMI TU?





NOGAT,  
PIKININI. BIKPELA I  
WOK LONG BAGARAPIM  
OL ISIP, LONG WANEM, OL  
I NO SAVE BIHAINIM TOK  
BILONG EM. EM I WOK LONG  
SOIM OL OLSEM GIAMAN  
GOD BILONG OL, SET, HUSAT  
OL I TING I SAVE BOSIM  
WIN NA REN, TRUTRU I  
NO GAT STRONG LONG  
HELPIM OL.

DISPELA  
EM I NOGUT  
OLGETA.




MI BIN MEKIM SIN LONG GOD BIKPELA.  
GOD BILONG OL HIBRU EM I STRETPELA  
OLGETA NA MI WANTAIM OL LAIN  
BILONG MI I NOGUT OLGETA. PLIS,  
ASKIM GOD BIKPELA LONG PASIM PAIA  
NA AIS, NA MI BAI I LARIM OL LAIN  
BILONG YU I GO WANTU.





TAIM MI LUSIM SITI STRET,  
MI BAI APIM HAN BILONG MI LONG  
HEVEN NA DISPELA BAGARAP BAI I PINIS.  
LONG DISPELA SAMTING YUPELA BAI I  
SAVE TRU OLSEM GOD BIKPELA TASOL I  
SAVE BOSIM DISPELA GRAUN. TASOL MI  
SAVE OLSEM YU BAI I NO INAP BIHAINIM  
PROMIS BILONG YU. TRUTRU YU  
NO PRETIM BIKPELA YET.

TRU TUMAS, TAIM FERRO  
I LUKSAVE OLSEM PAIA  
NA AIS I PINIS, EM I  
MEKIM SIN MOA YET NA  
I STRONGIM BEL BILONG  
EM. EM I NO LARIM  
OL LAIN HIBRU I GO.




GOD I SALIM NARAPELA BAGARAP.  
OL GRASHOPA I KAM NA KAIKAIM  
OLGETA SAMTING I GRIN NA  
I GRO, WE PAIA NA AIS I NO  
BIN BAGARAPIM. BIHAIN, OL  
GRASHOPA I STAT LONG PAINIM  
KAIKAI INSAIT LONG OL HALS.

KISIM BEK 9:26-35, 10:13-15

**MAMA!  
MAMA!**

**AIIIIIIII!**

**AH!  
YU DAI!**



GEB, GOD BILONG  
OLGETA SAMTING WE I SAVE  
GRO, ATING YU NO LUKIM  
WANEM SAMTING DISPELA GOD  
BILONG OL HIBRU I WOK LONG  
MEKIM LONG OL GADEN  
BILONG MIPELA?


OSIRIS,  
PLIS, SOIM  
STRONG  
BILONG YU.

FERO I SINGAUTIM  
MOSES NA MEKIM  
STRONGPELA  
PROMIS LONG  
LARIM OL ISRAEL  
I GO FRI. TASOL,  
TAIM GOD I RAUSIM  
OL GRASHOPA,  
FERO I STRONGIM  
BEL BILONG EM  
GEN NA I TAMBUIM  
OL LAIN LONG GO.

LONG DISPELA TAIM, GOD I MEKIM  
BIKPELA TUDAK LONG KARAMAPIM  
ISIP. LONG TRIPELA DE TUDAK I  
PASIM OLGETA LAIT. TASOL LONG OL  
HAUS BILONG OL HIBRU, I GAT LAIT.




MOABETA MI  
BIN KILIM YU  
BIPO LONG NAI.  
TASOL, DISPELA  
BAI I SOIM KLIA  
OLSEM OL GOD  
BILONG MIPELA I  
NOGAT STRONG  
OLSEM GOD  
BILONG YU.




RAUS LONG AI  
BILONG MI. MI NO  
INAP LUKIM PES BILONG  
YU GEN. LONG WANEM,  
LONG DISPELA DE MI  
LUKIM PES BILONG YU  
GEN, YU BAI I DAI!

NAU YU TOK TRU. MI  
NO INAP LUKIM PES  
BILONG YU GEN.






RA, GOD  
BILONG SAN, HARIM  
MIPELA. LONG TRIPELA  
DE YU BIN HAITIM YU YET.  
OLSEM WANEM? YU NO INAP  
WINIM DISPELA GOD  
BILONG OL HIBRU?



EM PINIS NAU! WANPELA LAS BAGARAP  
NA FERRO BAI I AMAMAS LONG LUKIM YUMI  
LUSIM ISIP. TETE LONG BELO BIKNAIT, GOD BAI  
I WOKABAUT LONG OLGETA HAP BILONG ISIP.  
FESTBORN PIKININI MAN LONG OLGETA FAMILI  
BAI I DAI PINIS. LONG DISPELA NAIT, GOD  
BAI I MEKIM SAVE LONG SIN.


TASOL  
OLSEM WANEM  
LONG OL  
FESTBORN BILONG  
MIPELA? OL BAI I  
DAI TU?



GOD I BIN WOKIM  
ROT BILONG KISIM BEK  
OLGETA HUSAT I BILIP -- OL  
HIBRU NA OL ISIP WANTAIM. GO  
NA KISIM WANPELA PIKININI SIPSIP  
MAN O PIKININI MEME MAN, KILIM  
EM LONG APINUN TUDE, NA PUTIM  
BLUT BILONG EM LONG SAIT SAIT  
BILONG DUA NA ANTAP LONG  
HET BILONG DUA.


GOD BIKPELA I TOK OLSEM, "TAIM  
MI WOKABAIT NAMEL LONG ISIP  
TUNAIT LONG KILIM OLGETA FESTBORN  
PIKININI MAN NA MI LUKIM BLUT LONG  
DUA BILONG YUPELA, MI BAI ABRUSIM  
DISPELA HAUS NA OLGETA FESTBORN  
INSAIT LONG DISPELA HAUS I NO INAP I  
DAI. YU MAS HAIT INSAIT LONG HAUS  
BILONG YU NA KAIKAIM DISPELA  
SIPSIP YU BIN KILIM."

EXODUS 10:22-29,  
11:4-5, 12:3-7



GO  
NAU LONG OL BOS  
BILONG YUPELA, OL  
ISIP, NA SINGAUTIM OL  
KAGO BILONG OL: OL GOL,  
NA OL STON I DIA TUMAS,  
WANTAIM SILVA. GOD I BIN  
MEKIM BEL BILONG OL I  
PRET NA OL BAI I HARIM  
YUPELA NA GIVIM YUPELA  
OLGETA SAMTING  
YUPELA I ASKIM.

BIHAIN, REDIM OLGETA  
SAMTING BILONG YUPELA LONG  
LUSIM DISPELA PLES TUMORA  
MONING. YUPELA I NO INAP LONG  
KAMBEK LONG HIA GEN. YUMI BAI I  
LUSIM ISIP OLGETA. DISPELA NAU BAI  
I MAKIM STAT BILONG TAIM BILONG  
YUMI -- NAMBawan MUN  
BILONG YIA BILONG YUMI.




PAPA,  
DISPELA EM I  
WANPELA PIKININI  
SIPSIP MAN TASOL  
YUMI I GAT. BILONG  
WANEM NA YUMI I NO  
BIN YUSIM NARAPELA  
SAMTING LONG PLES  
BILONG EM, OLSEM  
RETPELA PEN O  
KAIN SAMTING  
OLSEM?

PIKININI, GOD I  
BIN TOKIM YUMI LONG KILIM  
WANPELA PIKININI SIPSIP MAN NA  
PUTIM BLUT BILONG EM LONG ARERE  
BILONG DUA. YUMI I MAS BIHAINIM  
TOK BILONG EM STRET. YU BIN LUKIM  
PINIS SAMTING GOD I SAVE MEKIM  
LONG OL LAIN HUSAT I NO SAVE  
BIHAINIM TOK BILONG EM. DISPELA  
SIPSIP BAI I KISIM BEK YU  
LONG I DAI.

A comic book panel featuring a woman with dark, curly hair and a light-colored headscarf. She is wearing a brown, textured garment. Her expression is one of concern or questioning. In the foreground, a pair of hands is holding a small, light-colored animal, possibly a piglet or a lamb, which is looking towards the woman. The background is a solid orange color.

DISPELA  
PIKININI  
SIPSIP I DAI  
LONG PLES  
BILONG  
MI?


YES, NA  
LONG MI TU,  
LONG WANEM,  
MI TU MI STAP  
FESTBORN  
PIKININI  
MAN.



GOD BIKPELA I  
BIN TOK, "TAIM MI  
LUKIM BLUT LONG DUA  
BILONG YUPELA , MI  
BAI SAVE OLSEM YU BIN  
BILIPIM TOK BILONG MI  
NA MI NO INAP KILIM  
WANPELA HUSAT I  
STAP INSAIT LONG  
HAUS."

MAMA,  
BILONG WANEM  
NA PAPA I WOK  
LONG PENIM DUA  
BILONG YUMI  
WANTAIM  
BLUT?


KISIM BEK 12:26-28, 35-36




B'LONG  
WANEM  
NA YUPELA I  
NO BIN KILIM  
WANPELA  
PIKININI SIPSIP  
NA PUTIM  
BLUT BILONG  
EM LONG  
DUA BILONG  
YUPELA?

A! YU BILIPIM  
DISPELA SAMTING? OLSEM  
WANEM BAI SAMPELA BLUT  
LONG ARERE LONG DUA  
BILONG MI I KEN PASIM I DAI  
LONG KAM? PIKININI MAN  
BILONG MI I NO PRET. YU  
TOK, JOIKIM?





NA! MI NO PRET. YU TING MI  
WANPELA MERI? LOTU PASIN EM BILONG OL  
MAN HUSAT I NO GAT STRONG. GOD EM I GUTPELA  
GOD. YU TING EM BAI I KILIM OL LAIN SAPOS  
OL I NO PUTIM LIKLIK BLUT LONG DUA? OLSEM  
WANEM LONG OL LAIN HUSAT I NO KISIM DISPELA  
TOKSAVE -- YU TING OL BAI I DAI TU?

A comic book illustration showing a man with a beard and long hair, wearing a yellow robe, sitting at a dinner table. He is holding a scroll and reading it aloud. To his left, a woman in a white headscarf and a young boy are looking at him. To his right, another young boy and a woman in a white headscarf are also looking at him. The table is set with a plate of food, a glass, and a small lamp. The background shows a simple room with a window and a door.

PAPA, BILONG  
WANEM NA DISPELA  
NAIT I NARAKAIN LONG  
OL ARAPELA NAIT?

LONG DISPELA NAIT  
GOD BAI I KAM LONG KILIM  
OLGETA FESTBORN PIKININI  
MAN. TASOL TAIM EM I LUKIM  
BLUT LONG DUA BILONG  
WANPELA HAUS, EM BAI I  
ABRUSIM DISPELA HAUS.




TU, DISPELA EM I STAT  
BILONG YIA BILONG YUMI NAU.  
OLGETA YIA LONG DISPELA TAIM  
YUMI BAI I WOKIM WANPELA KAIKAI  
LONG TINGIM ABRUSIM BILONG GOD  
BIKPELA, NA LONG HOLIM TINGTING  
LONG TAIM GOD I BIN KISIM BEK  
YUMI LONG HAN BILONG FERU.



AIYO,  
PAPA, HARIM OL  
SINGAIT BILONG OL  
MANMERI! ATING I  
DAI I WOK LONG  
KAM!

NO KEN PRET.  
YUMI I BIN BIHAINIM  
TOK BILONG GOD. BLUT  
I STAP LONG ARERE  
BILONG DUA, NA YUMI  
WOK LONG KAIKAIM  
DISPELA SIPSIP.



**PIKININI  
MAN BILONG MI  
I DAI PINIS! O GOD,  
PLIS, HELPIM MI!  
PLIS, YUPELA I MAS  
SINGAUTIM MOSES  
I KAM!**

**KISIM BEK 12:28**



**AIIIIIIII!**

**NOOOOGAT!**

**NOGAT,  
NOGAT,  
PLIS, GOD,  
BEBI BILONG  
MI! BEBI, YU  
NO KEN  
DAI!**





MI SORI TRU, TASOL EM I  
LEIT PINIS. YU BIN KISIM TOKSAVE,  
TASOL YU STRONGIM YU YET NA YU  
NO BILIP. PLANTI I WOK LONG I DAI  
LONG DISPELA NAIT.

TAIM I DAI I WOK LONG  
WOKABAIT LONG ISIP  
DISPELA NAIT, TAUSEN  
TAUSEN I DAI PINIS. OL  
HUSAT I BIN BILIP NA  
PUTIM BLUT LONG DUA,  
OL TASOL I STAP LAIP.



**PIKININI  
MAN  
BILONG  
YUMI I DAI  
PINIS!**

**HARIAP! GO NA  
BRINGIM MOSES I  
KAM WANTU!**





WANEM  
YA?

**EM I FESTBORN  
BILONG FAMILI  
BILONG EM!**

**KISIM BEK 12:29-31**



FERO I  
SINGALTIM  
MOSES GEN.


TASOL FERU I NO  
LUKLUK LONG PES  
BILONG MOSES.



KIRAP NA LUSIM  
MIPELA, YU NA  
OL PIKININI BILONG  
ISRAEL WANTAIM.  
GO NA LOTUIM GOD  
BILONG YUPELA. KISIM  
OL ENIMEL BILONG  
YUPELA NA GO; NA  
YU MAS BLESIM MI  
BIPO YU GO.



OL ISRAEL I LUSIM ISIP OLSEM  
GOD I BIN PROMISIM OL PAPA  
BILONG OL 400-PELA YIA BIPO.  
OL LAIN ISIP I GIVIM GOL, KAGO,  
NA KAIKAI LONG OL HIBRU --  
WANEM SAMTING OL I LAIKIM  
NA OL INAP LONG KARIM. OL  
LAIN HIBRU I AMAMAS TRU  
LONG DISPELA TAIM. DISPELA I  
MAKIM STAT BILONG WANPELA  
NUPELA LAIN MANMERI.



SIX HUNDRED  
TAUSEN MAN,  
WANTAIM  
OL MERI NA  
PIKININI, I LUSIM  
ISIP LONG GO  
LONG GRAUN  
GOD I BIN  
PROMISIM OL.

LONG SAN, GOD I SAVE GO PAS  
LONG OL WANTAIM WANPELA  
KLAUT WE I SAVE GIVIM KOL  
LONG OL. LONG NAIT, WANPELA  
BIKPELA PAIA LONG SKAI I GIVIM  
LAIT NA SOIM ROT LONG OL.

KISIM BEK 12:31-38, 13:21-22



<https://goodandevilbook.com/>